

抱真書屋詩鈔

抱真書屋詩鈔卷八

雲南叢書集部之五十四

蒙自 陸應穀 稼堂

出城

款款藍輿乍出城好從郊外省春耕嵐光帶雨千層溼
草色籠煙一抹輕地有麥禾欣歲稔民安畎畝喜風清
百年塞上無邊警飽看山花趁早晴

種花

山郡無多事虛齋盡日閒鳴琴涼佇月讀畫晚看山入
夢蘭新茁時方生一子富門艾未刪數弓留隙地花影漸爛

編

出郊見禾苗暢茂喜賦

雨餘出郊垆沙路平如砥豆苗發青翠山花半紅紫野
田卜秋收翻然色滋喜茲郡素苦寒四民多凍餒記我
初來時炎熇草枯萎靈雨昊天降耕饁勤婦子昔日土
中種他日困內米飽暖幸有期吾亦安眠起

苦雨

久旱苦不雨旣雨苦不晴彼蒼至仁愛胡爲虐斯民溟
沐晝兼夜日月斂光明寒風撼門壁颯颯作秋聲農家
仰屋歎柴門破不局困空無米東甕涇無薪蒸野田種
麥黍積潦沒溝塍今歲秋不熟八口何由生太守本無

德感此淚縱橫無奈官署屋朽腐半頽傾老妻愁相對
窶貧日以增強言慰老妻毋爲徒世情自余赴斯任一
家皆安甯夜眠貼枕簟早起飽菜羹顧視四野人嗷嗷
哀不勝饘粥未果腹況復雨不停民貧余滋懼余貧不
愧清惟願杲杲日揚輝照一城

秋懷詩用東坡韻

卧病未幾日忽復早秋時涼風吹四野淒然似含悲申
夜不能寐起坐捲薄幃園中多怪鳥哀嘯如老狸白露
欲爲霜花葉辭故枝物性有變遷逝日杳難追人非金
石身白髮速相期百年半疲役俯仰生咨嗟南山有敝

廬歸去何遲遲

落葉響空庭颯颯疑夜雨涼月暗不明候蟲自相語念
我邊城守蕭然尙環堵入口愁竄貧斯民尤寒苦說乏
召公棠膏鮮郇伯黍顧視少壯人荷戈戍江浦田園棄
不耕蒿萊生南畝憂來心怵怵有懷何能吐

三十九生日

陸子懸弧辰今值三十九勞生已強半

東坡句

龍鍾漸成

叟未免心有遽因之肘生柳伏枕已彌旬飲藥占无咎
力疾上高堂牽衣拜老母老母開笑顏慰藉意良厚願
我官雖卑祿食足餬口奉養幸不缺重任難克負積薪

思曲突臨書愁掣手哀鴻夜聞聲長蛇當道走揮戈掃
欃槍雄心託敝帚誓欲棄茲去田園空無有撫劍發長
歎寂寞甘一守秋風入四壁落葉敲窗牖憂來日未已
安能盡卮酒

書齋前隨意種雜花草秋色滿庭紅綠相間喜而
賦之

階前餘隙地草花隨意種秋色風中來呼童日抱甕洋
菊數十株清香暗中送蓼花何疏疏瘦影自搖動金雀
欲翻飛柔絲強牽控爛漫鳳仙花染甲女兒用豆角非
一種晚蔬足清供秋瓜不上架蔓引隨放縱包穀紅吐

鬚馬蘭翠無縫造化工渲染丹青未珍重生機何所擇
萌茁萬物共區區此數弓居然品彙衆培栽偶盡力眼
界開瞢瞢紛紛午蜂鬧翩翩晚蝶凍室中多縹緗蒼葱
雲陰弄怡然卧北窗便作莊周夢

朔方懷古

莽莽龍沙一望平夕陽低照暮雲橫常山符取終弁代
瀚海人稀不姓秦李牧何慚爲上將蒙恬空自築長城
胡兒驕馬仍南下愁聽悲笳送遠聲

三百年來氣不伸炎劉何事太因循白登圍合思奇計
青塚香埋痛美人徒使李陵爲虜將終慚婁敬說和親

千秋史筆餘悲憤奪我燕支恐未真

馬邑居然宮闕環五原佳氣百年間雲崗高峙餘千佛

雁塞周圍控一關文帝舊陵猶有碣右王南山有孝文陵碑元姬

新冢尙名山朔州有元姬山魏道武帝姬葬此行臺究竟高洋置西去

長安何日還齊高洋滅魏置定襄朔州爲北道行臺高歡遷魏孝武於長安

新築長城自逞強博陵萬騎看騰驤邱和食美偏工媚

始畢兵強誰敢當纔見義成朝法駕還悲正道寓他鄉

正道煬帝孫隨蕭后居於定襄阿廢終是亡秦續早有真人起晉陽

曾說將軍破虜回髫年應募便英才始畢圍煬帝於雁門太宗年十八應

募說將軍雲定興以鄂公已獲推心用頡利終當傳首

來御井一泓泉水冷

劉武周井陰山千里雪霜堆

李靖擒頡

利關地

可憐盡屬沙陀部神武川前牧笛哀

朱邪盡忠沙陀別部

生於定襄之神武川卽晉王克用也

石家割地只求成趙氏興師亦亂萌百戰空令楊業死

三軍誰與契丹爭

契丹於朔州置順義軍豐州置應天軍雲中置開遠軍

完顏有

計開新郡童貫何知失舊京一代燕雲終棄置紅羊

名峪

楊業屯

白草

楊延釗兵地淚縱橫

黃雀螳螂不自知有人挾彈却相隨背盟枉自爭支郡

金析豐州

失律翻教敗海涯袞袞興亡中夜夢茫茫今

古一匱棋帝師法盡終犇北自決欣傳行省詩

孫德謙爲大同

行省平章事元主北奔議
固守作詩自決不屈而死

一方民氣久彫殘五衛何曾豫備完
土木誰知輕萬乘
灰溝仍見擁千官百年驕虜輸誠易
萬里邊牆守禦難
往事遐思增感慨西風吹老荻花寒

不寐

颯颯西風捲蕭蕭羅幃凍絡緯得意鳴破我清宵
夢病
驅寄遠暑紛紜百憂共結想該前後入幻室空洞須臾
萬緒來鼻端白無用勉強觀三庭魔女笑相鬪道力苦
未堅俗緣積愈重一身變寒熱四肢恒酸痛起坐天疑
明斜月入窗縫何年歸南山高卧成曹曹

病愈至殺虎口作

病愈始出郊萬物皆變色乍覺眼界寬漸忘心境窄遙
山初經雨潑翠光如滴野稻半已收黃雲隴畔積下車
始半年高居恥素食羸體不戒寒困頓逾旬日友朋時
相看往來不憚力酌酒偶言歡聊以慰記憶 天子方
宵旰東南多盜賊此地當北門管鑰幸謹飭年豐民氣
樂邊靜妖氛熄藉此養餘閒撫境若有得

晚晴

久雨得初晴餘陰猶未退斜照紅於火遙在疏林背溼
雲漸歸壑山容漏葱翠霏微雨腳散爛漫霞光碎筍輿

遠歸來秋氣霑衣佩野人炊稻秔香滿茅屋內月上聞
歌聲村靜無犬吠

早起見霜

北方積陰氣嚴寒一何早八月已飛霜風威殺百草陽
和本徧照居幽得偏少清晨出門來凍結孤城道古木
餘空枝落葉盡枯槁荒榛蔓野田冷雲橫廢堡顧念無
衣人惻然傷懷抱

秋雨

秋雨廉纖不肯歇四壁陰陰寒氣發風吹落葉庭中鳴
候蟲相間聲淒咽老農仰天坐長歎田稻未收水潦沒

前年此地遭燠旱千里草枯無萌蘖今年苦雨復浸淫
茅屋半圯牆垣缺豈非陰陽有偏勝政刑不修人事拙
太守無功坐食祿竹符半載幸叨竊欲驅雲雷叩帝閭
九重高極音塵絕陽石深藏無力鞭坐令雨師自發泄
念此中夜心忤忤把酒欲飲還哽噎

晚歸

落日銜西山斜月挂東嶺田收野草枯平沙長人影
棉衣已不薄秋風吹面冷卒歲果何謀履霜吾心警

赴省

重臣新持節謁見或恐晚

時中丞某心芳先生新至

驅車赴省垣秋

寒晝已短霜嚴天氣晴卓午迴薄暖涉水蹴層冰龜拆
碎玉暝黃葉迷遠村炊煙自舒展隘道逢數車老農刈
茅返戒吏無呵斥牽牛行緩緩顧茲民氣樂遂余宦情
懶年豐無餘事琴堂任閒散報最一無能月明酒杯滿
游賀蘭山

右土人謂爲大南山有魏孝文陵顯明寺卽其所建古碑舊存二百餘字今口

剝落不可復識矣

自余至朔方南山日在眼欲往遨遊之官閒身逾懶茲
行適便過誓期陟峻阪山溪曲折渡村樹盤紆轉紅葉
如蝴蝶夾道飛款款輿夫四五人前後互推挽茅塞條
新開須臾登絕巘上有孝文陵縱橫荆棘滿龜趺墮峯

四貞石從中斷文字不可讀波磔虞錯舛髣髴鳥與蟲
足爪雜苔蘚憶昔游太學石鼓觀籀篆車攻固可歌魚
柳亦能辨古文多護惜千秋尙明顯今來空山中賭此
殘碑版地僻隣荒裔無人爲收管奇跡風雨蝕高冢牛
手踐顯明古禪林佛龕半破損元魏亦帝王興衰等流
眄歎息悲古今日暮尋途返

夜過彈子山

彈子山高石崢嶸曲徑蛇盤無一平我從威遠至井坪
冒險無端昏夜行馬蹄亂迸如鼓鳴老狸走竄入荒荆
人影忽然照鏡明嶺缺初升秋月清遠峯隱約不知名

一抹濃煙深壑橫上顧高崖矗天青俯視空洞聞水聲
腰腳疲茶力難勝左倚右側強拄撐輿夫當此淚暗傾
路旁野店鐙熒熒命吏叩門雞犬驚輿前喚來幾壯丁
命作牽夫從背征前推後挽莫敢停此方黔首素樸誠
一呼百諾隨使令我幸今夕安且甯撫心未免慚羣氓
爲上如何舉動輕勞役不均災沴生聊書此詩作箴銘
置諸座右誰同聽

獨酌

獨酌自成歡陶然聊復醉起步空庭中清風吹衣袂鳥
歸欲與言花開若有意還招西山月來照北窗睡

雁門道中

山高崖破碎路窄石縱橫深澗自流水行人空愴情飛
鴻留遠響老馬識前程秋色關門滿蕭蕭落木聲

遇雨

朔方八九月紛紛霰雪積昨日入關來今朝疏雨滴煙
雲幕村墟潦水漲路側行道倍艱難與人忽歎息南北
氣雖異山川勢不隔云何相毗連迴然分寒熱譬之同
胞人亦自各有得形質本初生善惡異所習舜象分冰
淵惠臚判朱墨况離地百里未必天一色枳橘隨地宜
裘葛因天則傾耳聽余言含笑各努力日暮一尊酒爲

爾慰憂戚

食落花生

佳果寧聞粵遺種散天涯蔓衍宜平原蕉萃惡卑窪瑣
碎根輻葛縱橫畝藝麻柔條攢綠葉小朵團黃花露滴
俄有實雨滋漸茁芽墜地石磊砢映天星橫斜離跼蟻
穿穴分房蜂鬧衙割先秋初稻薦及夏末瓜長剗斷苓
塊利鋤掘參樞探珠勤剖蚌折鬚競獲蝦稱量盈筐筥
陶洗除泥沙煮漿配三勒擷菜分五茄生津夜助酒潤
肺朝鬪茶耳熟惟園叟腹果僅田家芹美未敢獻菱嗜
焉可誇憶昔叨侍從所見盡繁華五侯鯖長飽千日酒

不賒山物搜熊象水族羅鱗魴未免原憲病猶睹何曾
奢自爲邊城守新嘗風味嘉無殊蜜漬鼠詎異廚庖蛙
我居古目則此物滿簞車吳鱸終思鯉潮羹欲啗螻異
鄉且飽食以沁老齒牙

途中遇雪次東坡聚星堂韻

策策西風響木葉

時方九月

侵晨出門滿山雪老子跨馬肌

生粟滿飲金尊正悽絕天涯坑塹填難平危險尙登阪

九折拔刀起舞心血熱苦恨蔡州猶未滅書生縱獲尺

寸柄一官區區常肘掣登高南望涕縱橫老淚頻揩眼

生纈石頭將軍正開宴紛紛庭下鋪木屑中軍刁斗靜

無聲虜頭劍光不一瞥竟輸金帛飽犬羊世事茫茫復何說可憐江上八千人頭戴兜鍪衣著鐵

宿二十里鋪卽景

古道初霏雪輕車快着鞭征人愁日暮寒氣入秋先遠樹全無影空村但有煙一燈紅照處野店暫留連

雪霽

清晨雪初霽濃雲漸歸壑疏林半露梢輕煙微風約遠村不見屋澹紅漏日腳農家勤樹藝耕犁時間作爲語種麥人秋收定不薄

夜雨

客路偏多雨愁心共夜長夢回孤枕倚院靜一鐙涼報
國全無計思家尙有鄉半生餘感慨華髮恐侵霜

新寒

半敝貂裘強禦寒朝曦照瓦早霜乾晚花影裏西風老
斷鴈聲中落木殘江上纔聞和議語朝端已作太平看
書生殺賊全無用手把金尊歎路難

夜行

犬耳蟲聲急淒淒亂野田高山徐吐月遠樹澹含煙鄉
路昆池遠愁心晉水連停驂在何處前去轉茫然

野店

野店寒無火客來不捲簾梁間饑鼠出壁上凍蠅黏瘡
馬嘶聲急勞人睡味恬五更清夢覺涼月挂茅檐

王韻庭都閫贈劍詩以謝之

匣中三尺秋水清平鋪練帶光熒熒夜涼怒作雄龍吼
鬼母長號白帝驚將軍好古真豪俊千金蓄此堇山英
不向一人誇勁敵要從萬里建功名那知時平不用武
利器閣置空悲鳴陸子見之歎奇絕鵜膏拂拭明雙星
良朋慷慨相持贈鄙吝全消俗子情我慚未習越女術
此物有神恐不靈一朝獲寶喜非望潛心腦後誓飛行
三年東海妖氛起乘風波浪有誰能韻庭韻庭飲我一

杯酒我將與爾共斬巨蛟與長鯨鯨飽人肉蛟飽血殺
之不得淚縱橫且提此劍歸朔漠暫靖木客與山精

游小五臺

五臺本名山如何此云小芥子納須彌大千亦微眇尋
勝得幽栖締構出雲表傑閣巖嵒成中高四隅繞藥羅
青列眉柳溪寒入抱空堦淨無塵落葉秋風埽市囂亦
已遠俗慮良可了未謁文殊座彼岸到猶早何當陟層
巘一覽佛光好

楊柳枯曲

關南楊柳綠關北楊柳枯榮枯一何異寒暖毋乃殊

是同根樹移栽不一處死作爨下薪生爲風中絮妾身
人君家顏色嬌如花妾去執君手愁意濃於酒花開有
落期酒醉無醒時願君堅一心彼此長相思

山陰道中

平沙莽無際衰草不成窠雪後炊煙少霜前落木多胡
姬能走馬賈客慣乘駝何似桐江上輕舟聽櫓歌

偶感

如何風雪裏赤子尙無衣野曠桑麻少倉空雀鼠饑憐
他貧瘠甚願我撫綏非馬首勞相看傷心淚欲揮

和黃矩卿前輩食豆腐二首

儒生志淡泊食經永不作無脯餐紅虬有田種黃稌藜
藿腹自充糠粃手長簸擊得淮南術時轉元之磨汨汨
漿流瓊疏疏煙滿鏗煮成自然羹一飽更無那長安富
貴兒廚饌羅百貨苟珍恣饕餮飯日高卧豈知三韓
人豆粥成郡課一官鮮餘貲食肉真罪過冰雪滿蘭山
太守例寒餓來其不可得馬勃氣薰座期本多燒馬糞
豆腐臭不可食
無緣破老慳眼孔仍措太饒腸事審吟牛酒安能浼清
操恐人知腐名同君播快歌白雪曲遙遙願屬和
先生神仙人饑擘龍根脯藏肝之鷲毛蒸純羞人乳骨
相本清癯處此好口輔偶然別嗜好聊同穆賞腐然其

火劑調清味能熟數菜甲糝有香鹽花蘸不苦詎需大
烹煎藉可潤臟腑肉糜真難得羹盡憂憂釜何如田家
供有餘足自取顧我亦老農無心戀鼎俎攜鋤勤種豆
南山有閒圃欲歸竟無期素食慙何補

迎春作

山明積冰雪日暖照旌旗迎春來東郊萬人仰光儀微
臣莅斯土爲政已一期威無秋霜肅惠欲和風吹明日
將他適誓與衆庶違桃李寒未華楊柳黃生枝雖非甘
棠樹聊作去後思

出朔平二首

老幼羅巷衢相攜送我行我無德與女何以慰離情同僚尤不薄言餞出郭垌臨別一執手努力事前程及門二三子攀轅意肫誠贈言苦相勗殷殷期立名署中諸吏役跪送酒一觥飲酒復致戒慎勿事暴橫北風吹南山積雪林表明行行從此辭回頭淚暗傾所願後來者繩繩多循聲

憶昔方少壯侍從在京國今年始強仕分符莅茲邑拙宦愧無能期月恥素食忽蒙大吏賞不次加拔擢調任煩劇區聞命滋悚惕拜恩夙所嗤知己亦可德誓將竭駑駘勉盡吾職

重過大南山

行蹤已作絮雲浮一度鴻泥憶昔游
識面野人迎馬首無聲林雀凍谿頭
欲尋古寺煙都滿待剔殘碑雪未休
遙指賀蘭山下路西風回首一年秋

早出威遠作

歷碌車輪西復東鐸聲鳴中黃鍾宮
殘星耿耿欲天白燈光出沒空山中
山凹老樹橫撐挂聞雞不見雞栖處
馬蹄迸碎玻璃聲渡過溪橋得村路
村家老幼正安眠篝火濃蒸楮枮煙
一覺黑甜春夢熟日高始出耕荒田
我今跋涉勞王事飽食安居匪夙志
局促羞爲轅下駒

筋骸未老猶堪試

催繹夫

催繹夫虎吏登門疾聲呼雞飛上屋犬吠出廚老婦當
戶語壯男逃後圃獨將幼子十餘齡爲官牽繹山上行
東家不足西家搜西家老翁背偃僂官催牽繹苦無人
翁亦追奔毋逗遛北風吹面凍生粟繹夫兩汗流至足
欲止不可懼鞭笞欲上不能氣喘促吁嗟斯民皆赤子
疲勞如此官胡喜

元姬山

魏道武妃葬此在朔州

蝶飛誰問縷金裙惆悵空山日暮雲一樣紅顏委黃土

元姬渾不似昭君

鵝家宮闕已成塵猶指山名說美人綠徧靡蕪寒食近
有誰原上哭青春

出朔州有父老跪送感賦二章

北風何蕭蕭吹我去朔方父老三五人拜送大道旁殷
勤謝父老別離意何長守土未一載善政無可詳邊城
素苦寒撫綏恐不遑父老聽我語力耕有餘糧行矣休
相憶爲祝歲豐穰

廣武

荒荒大漠天落日古城邊關有秦時月村餘漢代煙單

于空築壘

劉敬說冒頓在此

王霸自耕田

王霸隱居處

俯仰情何極

遺蹤弔昔賢

將至省

拔擢新蒙

聖主恩春風吹送入關門雲山回首都成

夢榆柳關心別有村花雨幾番春漏信鴻泥一度雪無

痕朔方寒苦還相憶父老依依別淚吞

竹馬又迎新太守熊幡重到古并州循聲幸有安于在

政績難將德孺侔三白欣歌今歲稔

是日遇雪

二紅喜見早

田收民風此地猶淳古教養須煩次第謀

送心芳梁中丞南閱卽游晉祠

纔隨候吏拜清塵又向汾西一問津水面綠皺剛似穀
草心黃吐未成茵詩情懶散隨年減官事匆忙與俗鄰
剩有看山餘興在暫攜蠟屐作閒人

虛亭俯瞰浪粼粼懸甕山邊祠宇新濯垢自斟難老水
採芳欲薦長生殢封傳桐葉千年古坐接松陰一度春
手撫唐碑閒讀罷苔痕繡澁滿貞珉

難老泉

潺湲聲不斷清溪一曲繞鰲魚何紛紜往來戲蘋藻懸
甕始發蒙嘉名錫難老善利利已竭

善利泉今涸

難老泉浩

浩二縣分溝渠

徐溝太原皆資此水

萬頃溉秔稻潤澤被無窮聖

母宜壽考太守吏事煩形神愁枯槁來此俯清泚頓覺
除熱惱誓將濯纓歌永使俗塵埽

登奉聖寺浮圖

撐空一柱懸遙倚甕山巔綠繞晉祠樹青圍祁縣田關
河舒望眼今古閱流年無限登臨感春風薄暮天

至陽曲灣接太恭人

少小依膝下何曾違朝暮矧茲數月離能不增孺慕板
輿歡承迎行行山溪路二月春已中生意滿芳樹櫻桃
半染塵楊柳全籠霧中道得小憩家人喜相聚老母忽
愀然諄諄勤告語連途苦亢旱耕作或恐悞太守職斯

民能不增遠慮垂首聽慈訓汗流及踵屢食祿忠所事
黽勉竭趨步誠心儻格天庶幾甘霖澍

和蘇溪羅廉訪遊小五臺原韻

十里東風野草暄城南小憩得幽軒名山遙望芙蓉峽
勝地同尋桂子園花鳥多情勤識面琴尊得意靜忘言
人間自有清虛境久坐休教俗慮喧

聯吟有社此登臺千古詩人安在哉樓外浮雲隨世換
隄邊垂柳問誰栽祇餘佛國旃檀界偶伴先生杖屨來
半榻茶煙春晝永胸中何處著飛埃

捨宅曾傳阿育王蓮龕我亦焚心香此身已到華嚴谷

好景全非熱惱場。桐葉青分朝露潤。松陰綠送晚風涼。
文瀾湖畔思垂釣。可有鱸魚沁酒腸。

京華十載舊瞻韓。稽古應推少傅桓。示我蜀槎

蘇溪先生詩草

勞學步。照人秦鏡快披肝。同心好證靈山果。放眼來觀
學海濶。一曲陽春誰和得。紗籠留與後來看。

再疊前韻

久樂茅檐炙背暄。高飛肯羨鴈聯軒。遠公有約開蓮社。
莊吏何心隱漆園。千載鹿蕉成幻夢。一蹊桃李靜無言。
年來已墮紅塵網。難靜人間俗耳喧。

細雨連朝綠芥臺。名園小築亦佳哉。休嗟叢桂垂垂老。

惟願甘棠處處栽地是昔人攜酒處春隨嘉客抱琴來
名花好鳥娛清晝插腳從今絕點埃

軒蓋叨陪禮法王茶鐙新煮紫茸香功名何事堪千載
風月誰能醉百場宦况雲泥分顯晦世情冰炭閱炎涼
阮公何幸舒青眼酬我清吟有別腸

險句新裁學孟韓禪門松徑小盤桓譚經不厭花生舌
報國全憑鐵作肝眼界空空餘佛性心源滾滾有文瀾
連鑣記取城南路好景暄妍取次看

三疊前韻

愛煞蕭蕭水石暄陰陰榆柳蔭層軒何人聖境先飛錫

有客幽居老灌園，橫鼻梘香成妙悟。同心蘭臭足歡言，
暫拋吏事耽禪悅。洗淨紅塵半日喧。

冰銜回首舊烏臺，荏苒年華何駛哉。燕子又隨佳節至，
桃花都是後人栽。朔方風雪多匆度，晉國雲山得得來。
脫罷征衫纔一月，蕭疏兩鬢半黃埃。

禊事新修學大王，蘭亭分得筆花香。幽情暢敘春三月，
名士相逢醉一場。如此襟懷真灑落，本來境界最清涼。
登高欲賦驚人句，輸與江東錦繡腸。

慷慨籌邊慕范韓，腰懸長劍氣桓桓。權門不必通聲氣，
交誼何妨瀝胆肝。有約名山登絕頂，相期大海挽迴瀾。

木蘭院裏題詩處便作燕然泐石看

狄村 狄梁公故里

蓮花面尙可撻鸚鵡翅未可折手褫翠裘出宮門一曲
媚娘歌不得正氣乃能卻狐鼠乾坤反覆勞救補挈得
金甌還李家再造功成意獨苦二張巢破諸武休渭水
嗚咽空夜流太原城角荒村路名賢姓氏今傳留晉祠
愁灑銅鞮淚昭陵玉匣悲破碎何如古槐老看山春風
歲歲濃陰翠

勸農

布穀鳴東郊霖雨一犁透農夫誰不勤力作逢節候隴

麥已將熟播種及黍豆犢聲隔樹急笠影翻風驟豈憚
胼胝勞所願倉箱富太守亦何功祿食日滋疚驅馬出
郭門攬此綠野秀慙言告父老酒食相勸侑省耕古有
則勞農茲由舊區區盡余心敢謂恩膏厚爲祝年歲豐
免多鄉鄰鬪

貢院試所屬文章成一章

鯢鵬神變化爲鮪在淺水雛鳳弱羽翰清聲已盈耳少
小如不學老大終已矣所以古之人諭教從此始我今
強仕時通籍十餘紀一麾蒞晉陽唐魏風仍美得心愧
未能名節勉礪砥以茲數月來政平訟漸理 聖朝方

需才旁求及下士使者持節來書名先鄉里郡縣聚儒
生聯翩半童子黌門何崔巍瞻仰在尺咫泮宮芹藻綠
采采如葑菲豈無拔出英文章燦霞綺所願收梗楠不
復私桃李甲乙手自校未肯論年齒回首卅角日文壇
曾樹壘素風夙所遵逸才未敢駛周道自弭節佻達心
良鄙縱幸獵科名猶復謹步履駒隙倏忽過光陰疾於
矢綠髮漸鬢髭樹立僅若此覩然坐琴堂飽食頽有泚
勗哉諸少年弩力循前軌溟池北風高阿閣朝煙紫萬
里有程期行行無中止

題莫毅農刺史四美圖

蓮花峯何崔巍俯臨萬井講堂開堂中砢砢書聲起塞
上春風長桃李誰其倡之莫刺史刺史傳家書與詩京
華十載英聲馳與爾諸生爲師長千年長作高山仰右
峯課士

板溝土何瘠境哀鴻中野聲嗷嗷欲叫天門隔萬里蒿
目饑寒盡赤子誰其拯之莫刺史刺史撫字長勞心治
蒲雅化聞鳴琴與爾一方爲衆父飽食紅粟偕歌舞右
舍賑饑

黃河水何渺瀰春冰蹙斷錦鱗肥漁翁得魚官吏喜收
得魚租饜甘旨誰其捐之莫刺史刺史廉名遠近聞封

鮓而今母教遵與爾萬家爲生佛三面網開釋及物德人頌

定羌民苦不勝災疹乃及呱呱嬰活命無丹瘡徧體翁
嫗傷心淚如水誰其治之莫刺史刺史保赤有良方仙
經一卷探青囊與爾萬姓爲慈母民無天札來繼負署療
嬰

自甲辰迄己酉簿書勞瘁未暇爲詩偶有遣興醅麤之作亦殊草草然棄之可惜因擇其近似者續爲一卷道光庚戌年孟夏稼堂自識於順天尹署之知愧齋

抱眞書屋詩鈔卷九

雲南叢書集部之五十四

蒙自 陸應穀 稼堂

暮蟬

暮蟬不可聽况復客中聞古樹停涼月荒村咽斷雲離
情千里共秋色一關分塞上無家客應嗟久離去聲羣

子夜歌

郎作蜘蛛網妾作網中絲傍網不見郎牽絲無已時
銀燭照空牀夜深歡未來燭花紅淚落儂心終不灰
折藕絲不斷牽荷香逾長一心爲蓮子愁劇是空房

元夕

拚將一日強追歡酒醒今宵特地寒佳節半從忙裏過
好花應向晚來看春鐙照市千星聚皓月當空一鏡圓
爲報游人今歲稔晉陽城角雪初乾

種魚池館佇月

窄池無廣水小山無大木牀窗半敲側蕭索數間屋積
石疊空庭逶迤入深谷日暮身偶閒小憇愜幽獨明月
出東方皎皎白如玉照我襟袖閒清光一輪足守土歷
三歲久居非鬱鬱從政慙未達斯民詎能服幸保不滓
心敢使浮雲觸翹首瞻太空高歌竟誰續

重游晉祠

古祠重訪舊游蹤一曲山蹊宛轉通蘋葉依然隨水綠
桃花無恙向人紅雨聲到處聞新燕爪印隔年認舊鴻
三載韶光容易過東風迴首惜匆匆

殷閣參差倚碧岑靈泉汨汨樹森森點煙宿鷺歸來晚
在藻游魚樂意深夜靜連村春水碓月明一院響風琴
從今塵慮消除盡好境何時擬再尋

雨後出郊

生意滿郊東溪邊垂斷虹草蘇爭出土柳嫩自搖風雪
賸山腰白雲多日腳紅欲知民氣樂叱犢數聲中

太守非游豫春耕勸亦宜逢人問農事隔水見花枝泥

潤新秧活冰消宿麥知綬豐欣有兆爲頌大田詩

早至小店

浮雲散西澗朝曦出東山輕風拂面寒驅馬向田間田
間何所有豆麥青爛熳耕夫荷鋤行饁婦提榼還鶉鳩
繞屋鳴柴門靜不關羨此田家樂身勞心自閒願子莅
茲土俯仰歲月遷善政無可詳素食增慙顏安得傍南
窗茅檐日高眠

卽景

楊柳青青拂戶斜小橋西畔有人家流泉不解傷春意
慣爲東風送落花

立夏日作

曉鐘已報夏初天天氣清和勝去年莫道春光留不住
好風如翦柳如棉

見白髮漫題

雙丸跳擲疾於梭四十光陰一瞬過白髮催人知老矣
紅顏對我奈愁何忍寒秋蝶香仍抱趁暖春蠶繭尚多
幾日塵緣能解脫一龕佛火伴維摩

朝來

朝來循麥隴爽氣豁心目日光吐澹紅風影搖新綠農
夫倚井檻軸轆轉鳴玉涓涓細泉流灌溉日未足霖雨

何艱難秋田愁不熟婦子三五人終歲苦枵腹嗟哉富
家子旦暮飽梁肉

種魚池館獨坐

森森槐蔭午婆娑微雨微雲一晌過小院清幽人獨坐
黃花滿地鳥聲多

夏日早起

侵晨暑未甚庭階生微涼參差綠槐影掩映殘月光墻
頭鳴鷄亂樹底飛鵲忙闌干一徙倚時間花氣香朝曦
忽欲上紅霞散東方皇天重膏澤所求年永康案牘久
勞形清暇焉可長暫存平旦氣滌此熱惱腸

微雨

斜日下西嶺斷虹飲東澗細雨和微風紛紛落如綫起
步小園中清景時更變瓜實綴小拳葵花張團扇高下
互青黃生意隨所見繫我田間人桑麻久餘戀塵網重
羈縻繁華將目炫何如理歸策抱甕愜初願

楊柳枝詞

萬縷千條踈地垂鴉黃點染早春時芳心只解爭顏色
人世別離那得知

絲絲弱縷似柔腸繫得相思水一方休說飛花易飄蕩
化萍猶自傍鴛鴦

將至晉祠作

草腳黃抽柳眼舒
煙光蕩漾晚風餘
春心濃似汾州酒
宦味清於晉水魚
四載簿書勞管領
半生情性總迂疏
甕山高臥應知好
俗累何因得屏除

清明日至晉祠

勝地重尋已隔年
依依魚鳥恣流連
長隄漸舞迎風柳
小沼徐抽出水蓮
身後千秋孰鐘鼎
眼前百事總雲煙
舊遊回首眞成夢
惆悵飛花欲暮天

芳辰屈指是清明
好友相攜載酒行
笑我從公無日暇
輸他流水在山清
臨淵自羨魚兒樂
隔樹還聞鴉舅鳴

新火初頒春又老爲歡草草愧浮生

三月晦日

草色芊芊半醉煙柳芽短短未吹棉并州已是春將暮
纔似江南二月天

午夢初酣一枕涼小風吹雨入簾香無端喚醒思鄉夢
燕子雙雙語畫梁

塞北東風故故遲花時不是早春時韶光百五匆匆過
乍見海棠開一枝

早至小店

鳴雞催曉夢行色太匆匆月落星爭白風高火不紅識

途憐老馬有信憶飛鴻記否停驂處春光幾度中

猛風

猛風吹雨來破我西窗紙攤飯正午眠蹶然忽驚起田
禾苦亢旱得此意良喜所望及時澤潤下得尺咫豈知
來勢驟須臾竟中止天道與人事由來本一理進銳退
必速趨營良可耻仰天發長嘆嗟哉躁進子

哭周德安德二兒

攜手泉臺去何時見爾回聰明真不壽因果竟難猜究
爲蔓苓誤空教蘭蕙摧倉公無處覓展轉益增哀
怪此波旬劫傷心兩度同雁行雙影斷熊夢十年空

戊戌

年痘殤二子梓樹頻埋雪曇花易墮風省愆應在已何
必問蒼穹

落葉

落葉如飛鳥翩翩隨風逝殘暑猶未消秋意已先至大
仙亦無心陰陽自更遞感此歲華流惻然增歎懷人生
未百年百憂一身萃離合各有時死生成隔世苗萎實
未成樹老枝先瘁起步空庭中徘徊心如醉

無題

別後風光久斷腸舊時情緒費思量重門深下葳蕤鎖
華燭遙分鬢鬢妝子夜歌聲催酒散辛夷花氣入簾香

繡闌春色濃如許爲憶歡悰淚萬行

感秋

簿書勞瘁老今生歲月渾忘幾度更忽聽雁聲汾水上
一天秋色太原城

焚香默坐酒微中細語遙聞草際蟲怕捲珠簾看暮色
夕陽偏照小窗紅

病目戲成長句

我生之辰時逢庚防其剋者丙與丁

丙丁年病目凡三次矣

三句

三厄胡可追雙目大似盲風盲目睛位當日與月羅計
侵之乖厥經疾厄宮中直凶宿瞳子惴惴難自寧臍神

乃與目神戰招邀五賊搖元精妖氛乘虛來勢猛湛然
秋水亡晶瑩痛苦切身詎能拔琉璃深著水晶釘睫毛
棱棱倒拳盡混淆黑白兩異形桃園熟後皮欲脫淵魚
勞極尾則頽冷風拂面雨絲滴畏日當頭葵心傾初似
微雲起四角纖痕慢捲遮疏星漸如紅霞散天半擺磨
出火光熒熒我無婉變爲墮泣胡爲腫者門長局雙珠
縱使失掌上三罪筭至喪其明欲隨左氏著國語生晚
未登聖人庭尙書擬共伏生授古今聚訟無公許忍令
閉目日枯坐蒲團入定空山僧以手摩挲長太息藥王
藥上皆無靈紅羊劫火自燒我挽回造化由性情茫茫

金鑊向誰覓調變陰陽休使爭太和常葆氣毋暴雙輪
速轉懸光清

雁奴嘆

鴻雁一窠九子育七子雄飛二雌伏雄者豐羽翮翱翔
向南北朝煙鳴隴頭暮雨宿澤國隴頭稻粱熟澤國魚
蝦肥年年飽食高天飛不知二雌竟何爲一雌得佳侶
沙洲自安處一雌嗷嗷中夜呼呼兄復呼父追隨垂翅
夫夫不能顧中道仳離遂爲奴爲奴孤羣雁安眠爾啼
雛弋人捕來舉火忽滅驚起相看啄汝流血爲奴苦羣
雁受害先及汝汝父黃泉埋汾水之坵何累累汝兄散

四方衡廬之峰何蒼蒼雁奴兮雁奴人生貴賤何殊途
爾但得食且安居

畢在寺觀吳道子水陸畫

寺在朔平城畫一百二十軸

道子工寫生擅名開元時經今千餘年手蹟何由知朔
平古沙漠建郡始康熙畢在寺莊嚴萬歷草構基傳聞
水陸畫吳生所留遺京都遊宦人見者皆稱奇道光壬
寅春守土來至斯下車問風俗民事粗以治山川崇祀
事牲幣奠神祠清晨入梵宇瞻望古棟榱老僧年七十
健步豐頰頤靈蹟經目睹鄭重前致詞自云數年前畫
卷沈塵緇趙璧角偶缺吳姬面微勞誤被蒼蠅玷遂致

日月虧深惜曠代美未免生瑕疵何來兩沙彌狀兒類
龜茲閉門與畫對清水供數卮三日遂開局豁然雲霧
披天衣補無縫積垢大風吹信知珍異物神鬼親護持
殷勤快披覲八面蕤絲垂鮮妍舒錦繡古質陳鼎彝大
者及邱山細之析毫釐神仙人鬼怪一一可近窺九天
闔闔開縹緲颺靈旂帝王端矩度妃后肅威儀仰看諸
相好凡士大驚疑侍臣森傍立想像舉與夔冠簪各秀
發視瞻無倚跛電母豁雙鏡雷公奮一錘白虎尾矗矗
蒼龍角疑疑鼓翼南方鳥縮頭元武龜或舉袖而舞或
執器以嬉或團圓飲酒或笑語圍碁或駕鶴飄搖或吹

鳳參差或倚松枕石或看雲采芝木公與金母男女事
厥司下窮黃泉客所思更匪夷十殿閻摩王赫然生怒
髭左右俱猙獰面目無善慈夜叉靛染髮羅刹朱填眉
刁刁獨足魑憧憧九首虺頭角大於斗手掌巨如箕族
類襍牛馬形狀多侏僂十八無間獄黑風吹枯髓火樹
有孽煙冰山無流漸長蛇盤奈何青蓮挺血池割舌供
嚼炙拔心成菴施快鋸剝骨髓太碓舂肉糜罪豈浮桀
紂刑乃如髡形紛紜諸幻相皆緣寸心爲恐怖一念生
憂樂百境罹誰無病老死惟戒貪嗔痴不然非目睹虛
空難構思六合總茫茫聖賢焉可欺凡物廣厥類此理

堪例推人既同狝狝鳥或呼嘻嘻佛座五色象異域九
子獅龍生鱗介異鳳族羽毛歧山經記神怪禹鼎鑄魑
魍擣舌不能名百千詭詭姿如來開法眼芥子納須彌
霞彩煥纓塔寶座跌琉璃一切諸從生罪福普無私吳
生得三昧博采竟無涯筆端挾造化人物位置宜山石
狀嵯峨樓臺勢逶迤窗中列屏障雲氣結梁慙好花交
掩映嘉樹偕葳蕤靈藥間異草紅紫紛千枝佳人工顰
笑白玉爲膚肌僂僂扶杖老匍匐學語兒衣裳曳羅綺
妝飾麗粉脂匪惟別長幼亦且分妍媸下焉畜狗馬駿
足千里馳檐前鳴鸞燕圃後逐鼻鳴蟲類本至微蠕動

細如絲吟興譜蟋蟀生意足羸蝼芸芸陶鈞眾殖殖雨
露滋活潑耳目玩博雅考鏡資一百二十幅詳哉其寫
之乍見心易炫統觀神不疲盡我一日力淚流雙目眇
嘉陵十里江氣象本渺瀰終南傳進士形色更盱眙以
視齊與魯鄒莒毋乃卑淋漓挾天筆今古孰可追惜哉
委邊隅見者知是誰昔日大璫盛資福留布施曾云畫
有神所在淨瘡痍山門永作鎮千秋無改移太守治此
郡民生急撫綏耕鑿使自安暑雨無怨咨庶仗諸佛力
集我萬姓禱荷鋤時休暇游觀共悅怡如睹景雲壁念
念生肅祇改惡力從善得非畫所貽相見有因緣俯仰

增嘆噫歲月恐遺忘陸子作此詩

冬至後一日

九九從頭數寒威逐日添避風朝貯火愛日午開簾羣
噪烏爭樹雙棲鴿入檐關心南畝麥雪澤幾時霑

時起

驚聞野寺曉鐘撞暖日曛曛已射窗鶴唳園中聲一一
鵲行簷際影雙雙丁香豔吐花千朵卯飲寒銷酒一缸
喚起雪兒重按曲參差休換落梅腔

小園

小園賦就擬蘭成一徑清幽自適情馴鶴舞風遙見影

潛魚咬水靜聞聲雨多細數花辰近畦暖頻容菜甲生
記得南湖隄下路故鄉風景尙分明

迎春

四年四度迎

去聲

春歸郊外紅塵慣浣衣日照遠山浮翠

黛風吹殘雪上青旂流光易過人如夢淑景重來燕又
飛可惜勞生無暇日東園孤負牡丹肥

丙午除夕

四載徒云撫字勞愁懷枵觸首頻搔雲山容我舒雙眼
歲月催人感二毛小草曾經甘雨潤驚帆已過颶風高
窗前賸有平安竹相對寒宵醉濁醪

藏驅欲戲倩誰猜手把屠蘇飲一杯舊恨都隨殘雪盡
新歡擬待曉鐘催幽蘭有夢枝將茁穠李成蹊花未開
幾度頻添商陸火匆匆又報早春來

春夕聞雁

嚴城鼓角已三更夜靜驚聞慘慄聲塞雁歸來春有信
庭梅開遍月多情玉簫吹罷人初散華燭燒殘酒尙傾
如此良宵拚酩酊休將俗累苦牽縈

春雨

秋風捲微雲吹雨落庭階颯然爽氣增苔徑淨於揩搗
杖步園林遙觀山色佳遠樹籠輕煙村居殊可懷隄柳

苗新芽田草潤枯麥生意良已足節候幸不乖農家勤
力作耕饁婦子偕顧我得餘暇種花應滿齋

夜中獨坐

暫得塵勞息禪心獨夜生靜中花有味閒處月多情古
砌搖松影空庭唳鶴聲何須尋妙悟此境已澄清

早至楊家河

小桃紅點羃朝煙楊柳青青繞麥田茅屋數間門未啟
村翁猶自擁衾眠

書徐溝驛壁

古驛曾停太守車春風一度惜年華流鶯未解遷喬木

飛燕還來認謝家
棠蔭道旁防翦伐
桃開門外任欹斜
殷勤寄語河陽宰
多種桑麻少種花

春陰詞

涼雲漠漠天欲溼
倚檻花枝露眼泣
海棠睡起不勝嬌
扶醉阿環倦無力
綠窗亂盤新鴉髻
蝶夢關心愁如織
湘紋不動玉鈎垂
象口吹香春盈室
楊花欲拾卻惹寒
活火自煨紅琥珀
眞珠一滴生頰潮
聽鶯故向東風立

春日雜詠

琤琮不住響風絃
拍手齊看放紙鳶
若箇牽絲偏有力
乘風獨自上青天

鶯遷喬木任高飛蝶宿新花香滿衣惟有去年雙燕子
銜泥猶認舊巢歸

早至柏樹園勸農

和煙分新秧帶露種早菽農夫終歲勞力耕恐不逮清
晨隴上來叱犢聲相續太守亦何功胡爲坐食祿驅車
出郊坰爲報春雨足溪路淨無泥山光翠如沐隄草雜
園花生意兼萬綠顧此服田人老幼均碌碌賜之酒與
食聊以助果腹何用報殷勤爲祝歲大熟

至鳴謙驛有感作

城市厭塵囂出郊眼暫明風來柳陰碎雨餘麥氣清熙

熙田家子隴上耘且耕早起快披蓑晚歸靜閉門村醪
淡有味野菜香可烹鼓腹無餘事名利安足攬顧我久
服官案牘苦勞形古驛五十里一月三送迎丈人應我
笑何時偕子行

作餽鶴亭成詩以落之

庭後餘隙地樹石相依傍爲山未數仞俯仰窮殊狀城
北萬人家高下環相向雲影鬱蒼蒼煙光紛漾漾觴詠
得所宜幽情胡不暢惜哉簿書冗守官曷敢曠治郡今
五年幸免素餐謗時和歲屢豐歸心眾所諒有客餽仙
禽拜受逾珍貺聊分清俸餘飲啄俾無恙作亭小山頭

鶴鶴名新初休暇一登臨四遠窮瞻望神京不可見渺
渺如天上連山起雁門拱北列屏障汾水自西來淼瀰
瀰清浪維時方仲夏盛陽苦驕亢颯然涼風吹炎官三
舍讓以此遂所懷心境增浩蕩官署如傳舍昔人每惆
悵豈知達觀者往往齊得喪千秋等一日詎分彼我相
彈琴景逾清披襟氣益壯作詩遺後人經始勿相忘

飼鶴亭獨坐

落葉滿山中孤亭夕照紅浮雲閱今古汾水自西東世
事秋枰換官場傀儡偶同年年勞聽鼓瞥眼又秋風

漫興

欲訪蓬瀛路已差園亭水石尙清華貪香舞蝶渾疑夢
過午游蜂遲放衙身世平安應問竹人間富貴且看花
何時拄杖青錢挂醉倒隣村賣酒家

強緝治譜學鳴鑾保障無方愧不禁豈有鯢鵬能奮翼
不妨葵藿自傾心花光傍晚紅將老草意迎秋綠更濃
一覺種魚池館夢署後
齋名槐花滿地影森森

立秋日作

游子驚秋早空庭落木乾蟬聲催日暮暑氣帶雲殘寒
草無邊暗西風特地寒黃花偏耐冷留待傲霜看

至大雲寺卽景

參差樓閣樹陰中
汾水秋光入曉風
野稻新春雲子白
山花舊長雁來紅
一番心計餘調鶴
幾度年華問候蟲
尚有田歌堪入耳
西成今日告綏豐

早起

鼓角城頭未五更
僕夫相戒忽宵征
月殘不辨樓臺影
村近遙聞鷄犬聲
滿樹烏栖全妥貼
有人蝶夢未分明
戴星出入尋常事
鹿鹿趨公已半生

初冬

獵獵北風尖寒威已漸
添東蠅朝伏牖栖鶴晚歸櫓
邊事謀衣甲民生計米鹽
禦冬須有策飽煖可能兼

初雪簡戈德菴同年

連朝風日太奇溫盼得祥英纔一番
柳絮無心飛隔夜梅花舊約在隣村
名園有客同開宴窮巷何人獨閉門
爲問霍州賢刺史可能無語對芳尊

疊前韻

踏雪歸來裘不溫詩筒已報兩三番
吟情只合尋梅塢酒思遙知在竹村
鎧甲鐵寒新督護時西陲用兵旗旛風定
古井門雲山到眼都堪畫清賞何妨
倒綠尊

雪霽飼鶴亭遠眺

雪意初晴日色溫小亭獨立見郊原
炊煙縷微微起

知是汾西第幾村

觀演九子陣作

黃埃轟起鷹飛疾，城角西風響簞簞。
千人傳呼萬馬馳，六花八陣參差出。
鍊筒噴火舞金蛇，銀槍點雪飛梨花。
刀光蘸水水倒立，旌旗五色紛流霞。
臺上鼙鼓鳴鼙鼓，鵝鵝分行嚴步武。
怒作雷霆相擊撞，當場勇鬪真虓虎。
忽然不動如邱山，柳營春晚唱歌還。
握奇奧旨誰人傳，中有一將金甲擐。
陣本中衛劉松巖新演三年教訓知齊止，此軍已自無敵矣。
卽今西陲苦用兵，好戮鯨鯢報天子。

送戈德菴刺史酒侑以小詩

仲冬寒氣盛北風何凜烈千里汾河冰三尺太行雪言
念同袍友几席應如鐵抱膝發高吟清聲戶外徹我有
一尊酒藏久味甘冽獨飲不成歡餽客意所悅想君吸
觴飲未足潤渴舌新詩當續贈慎毋慮空缺前村梅花
發凌晨期共折

丁未除夕

五年穩向并州住爆竹聲中又歲除到處愁鴻留舊印
幾回春燕覓新居功名笑我積薪似歲月催人流水如
辛有護堂強健在看花好待新年興

迎春

五馬馳驅趁吉辰東郊隨例又迎春年年官似曆書舊
處處行看旛勝新白襯山光猶有雪青搖旂影已沾塵
東風爲報陽和信隴上欣來叱犢人

春日雜詠

飼鶴亭邊春已回寶賢堂外

在署後

草初荻東風吹落看

山山名在府東

雨一樹棠梨開未開

柳痕舒翠荻芽肥小院花開蝴蝶飛昨夜忽聞汾水上
聲聲又報塞鴻歸

雨後

昨夜聞微雨幽禽繞樹鳴今朝看綠野芳草隔花明夢

逐青山遠愁添白髮生春光易孤負難遣客中情

春暮曲

生煙晚漠漠芬月曉盈盈春色濃如許空房難爲情芳
草今又綠良人尙遠征願將相憐意聽取子規聲

卽景

柳棉無數各西東一弄春城剪剪風蝴蝶夢醒鶯睡覺
小闌開徧錦薰籠瑞香別名

哭胡虛岩表兄

太息胡宗弱天教二惠亡

友泉表兄先一年卒

紅顏眞薄命

納妾未久

白髮尙高堂

從母時年八十

感慨詩稱伯從容酒不狂天涯空

淚眼宿草墓門黃

憶昔公車共聯牀

辛卯同北上
王辰同住京

只今關塞隔流

水各西東芳訊時傳鯉新吟乍問鴻

前數日
會寄詩

何堪竟長

別幻夢太匆匆

姚秋標通守贈雷琴詩以誌謝

東風吹老并州城黃堂無事芳草青塞上悲歌厭入耳
有客投我太古之元聲客意欲我尙清淨進以絃歌消
鬪爭此意良厚物不惡受之不曾瑤與瓊盥手焚香一
拂拭金徽玉軫增晶瑩漆光黝黑蛇殼蛻桐質鬆脆龍
鱗生大小梅花共點綴雜以牛毛縱復橫古物千載尙

完好腹中細字珍珠明流傳雖非周秦漢亦自貞觀五
年雷霄所製成慢調冰絃一再鼓鏗然鸞鳳相和鳴竹
間流泉路塵淨松下奔濤天宇晴我自服官十餘載簿
書紛冗長勞形一琴隨身久沈閣良宵徒負風月清感
君雅意此持贈嗒爾頓空身外名滿把金尊勸君醉山
高水流不盡故人情

春游曲

寶馬嘶風城南路芳草背人泣春露酒帘十丈青橫窗
當壚粉頰芙蓉雙絮雲織苧尊前舞嬌鶯含愁和燕語
泥人日暮不得歸醉臥吳釭曉邊土西山催吐新蟾蜍

手弄花枝香滿襦夢中蝴蝶分飛去
鰈人淚滴紅珍珠
春閨詞

晚煙縷縷織春愁腸斷天涯客遠游
明月不知人一箇
黃昏偏上小樓頭

李鶴生司馬以長平箭鏃見示因作歌

野夫斫地天爲愁草根骨碎酸風秋
箭鋒碧留模糊血
四十萬鬼哭啾啾白羽連山電飛馳
焦銅土蝕薜花紫
鱗甲銷盡餘齒牙雷公下擊乖龍死
赤帝提劍來大澤
鮑魚遺臭驪山魄十二金人中夜歸
渭水波咽淚珠白
讀書孺子未知兵手擲髑髏填秦坑
黃月千年弔廢壘

玉樓人去無歌聲

雨後望西山

澹紅一抹挂斜暉
雨後西山點翠微
幾樹綠楊低映處
歸鴉閒帶溼雲飛

召公敦歌次昌黎石鼓歌原韻

敦今冀寧觀察多智友所藏銘可識

者一百三字

峒嶮不識神禹碑茂陵空聞寶鼎歌
邂逅忽睹三代物哆口焉知名誰何
揣摩偏旁攷圖象如癸父尊腹畫戈
規圓徑尺文陸離天球大貝無雕磨
姓氏辨爲召公虎鎬京舊籍資爬羅
鄙賈用徵詞可讀有司奔走咸我義

余告伯氏名典獻

以上用敦文

克紹乃祖歌卷阿師寇師設

同寶用幽伯幽姜長嘯呵史籀遺蹟信有徵紀年甲子

非差訛一百三字細紬繹體勢迴殊蟲與蚪坐有尊壘

識犧象廷懸鐘鼓窺龍鬬潤澤露流瑪瑙瓊光華日射

珊瑚柯藉以文錦架沈水爛爛彩生織女梭憶昔穆公

佐中興出車設旟無委蛇撻伐大張淮夷平櫓槍淨掃

輝羲娥肇敏農功錫圭瓚南風載賡江有汜寶敦書勳

傳子孫陳之宗廟諧雲和上追猗駒精創制下視冰

非同科六瑚八簋不相讓黍稷式薦馨香多我生雖晚

去古遠腫背豈至驚橐駝廿年風塵走燕薊釋褐曾從

大學過周宣石鼓繁羅列口指手畫勤切磋可惜得十
已失九筆法難尋三折波自從祖龍愚黠自李斯臆見
空偏頗泰山刻石已無字九鼎沈淪況其他下逮漢晉
及唐宋俗書日出增妍嬰此敦厯劫尙完好何幸吾手
親摩挲維器與文神靈護永與召誥供吟哦潞安太守
癖好古分別黑白等食鵝戴公琬戈共珍祕智友藏有
商戴公戈
作頌遠欲追猗那願將此敦辟雍獻四蓋永用享尼軻
更萬萬年傳不朽符瑞不異圖出河旗常載銘句宣績
毋使歲月徒蹉跎

商戴公戈歌

戈亦智友所藏銘
九字出曲阜土中

碧空慧雲凝不流苔花碎蝕狼含鈎六百金氣銷不盡
雕鏤出土霜天秋昆吾刀刻烏蟲字治氏流傳西京制
朝王歸去白馬嘶靴鼓聲酸六七世墮地天教避祖龍
寒星耿耿埃塵中二千餘年混沌破白日留照珊瑚紅
雌霓夜笑蒼蛇死西風蕭瑟咽泗水禾黍油油放牛歸
琴堂無事暮煙紫

初夏

寒氣全消暑氣微子規聲裏送春歸舊年紈扇關心覓
幾日楊花見面稀布隴新苗隨雨長出巢乳燕避風飛
亂紅已逐韶光盡賸有當階芍藥肥

新興灘

流水隨人去珠穿徑不恒樹留山一角雲擁石千層

國嘗聞險天門試往登

過此卽南天門

高危復何畏叱馭記吾

曾

湧雲亭卽席賦贈錫健圃刺史

上下城生萬戶煙高臺俯瞰亦超然樹圍濃翠窗三面
雲擁空青石一拳且喜開尊逢北海遙看好景在南天
殷勤最是同舟侶風雨聯牀話舊緣

固關

雄鎮西陲恃此關斗城屹立亂峯間樹陰積翠雲千疊

石氣含青水一灣
驛路徑通金塞去
使星遠自玉門還
行人莫慮前途險
咫尺天門手可攀

天寧寺晚眺

古寺鐘聲晚憑高
豁遠眸山雲青出塞
村樹翠當樓微雨收
殘暑鳴蟬報早秋
不堪西望處千里是并州

七夕詞有贈

玉露無聲一葉飄
秋光如水夜迢迢
人間亦有雙星會
何必天邊候鵲橋

旅店居然瓜果陳
芳尊相對說前因
天孫不似儂雙好
銀漢風波愁煞人

七夕詞

一會經年可若何
歡情不抵別情多
天公亦有難填恨
千古盈盈此絳河

聞禽聲

古道崎嶇幾度過
柳林深處野禽多
一聲叫破秋天曉
疑是家園鐵練哥

泰安驛讀韓碑卽步其韻

他鄉好處便身安
七月并州風早寒
馬上猶將秋色至
重拚沽酒剗黃團

臥病

臥病居深室不知天氣寒隔窗見積雪疑是月團圓

病中作

連宵病體太支離敝役難禁二豎欺老屋風寒衾似鐵

長年愁重鬢成絲祇憐弱息偏多感時大兒病歿女病三女殤爲慰

慈親強自持藥裏呼人頻料理可能強健似初時

哭女婉

後果前因杳不知眼前長別亦堪悲天公欲斷曇花種

數到如今第五枝余共天五女

牽衣覓果最相憐豈料聰明命早捐地下有兄應慰汝

人間小別已三年丙午喪二子皆其兄

病小愈作

強扶藜杖欲巡檐，撲面只愁風色尖。
甘日閉門甘靜坐，梅花香已透重簾。

秦安驛再和韓碑韻

移居纔得一家安，驅馬又衝春雪寒。
小草向榮知有日，湛恩已被露珠團。

壽陽道中寒甚

逢春纔五日，天氣不勝寒。
虛谷來風急，空山積雪乾。
村居多寂寞，生計本艱難。
民隱周知未，慚爲問俗官。

早出獲鹿作

殘夢斷鳴雞驅車村樹迷河流隨日遠山盡覺天低霽
雪痕留白明星影墜西太行回首望雲氣亦淒淒

眞定驛館題

去夏曾經處重來又早春送迎人是舊寒暖事翻新山
白微籠霧雪黃半染塵滄茫無限水不見碧粼粼

休洗紅

休洗紅洗多紅色褪纖手自理機中絲織成匹帛加染
茜妾心自願顏色深君情愁隨日月換東風午夜莫相
催留取桃花照人面桃花易落人易老夜嘯博勞朝飛
燕安得盟比金石堅金石磨滅心不變

北河

驛路行將盡柳塘春水生
淡煙籠遠樹斜日照孤城
松柏貞臣節風霜客子情
敝山此閭里灑淚拜荒塋

松林店和題壁韻

遙村望不見惟見煙與塵
之子行何遠前溪水自春
欲尋沽酒店重遇種花人
惜問元都觀天桃幾樹新

題李松阿刺史置屋松下圖用東坡次李公擇梅

花韻

名士愛幽栖塵心晚不動
置身邱壑間煙月足嘲弄
深山芳草生流泉破春凍
巖猿鳴嶺發清響殊市閭知

經世才乘時風雲從驥足展太行鞭弭妙控縱十載令
丹州召杜名伯仲金臺一回首賢書我偕貢更憶汾水
濱把袂交情重宦途兩分歧出谷鶯獨哢京華又相逢
好詩供吟諷投轄未幾日別離增新痛送君返花封遠
道出豫雍廣廈舊所庇好境忽入夢蘭香愜素襟九畹
手欲種重葺放鶴亭暫息游龍輦老屋蔭長松此意綠
野共君方振羽翼高飛隨儀鳳胡爲念故鄉官訪閩公
洞笑彼漢陰人區區徒抱甕

同王鶴泉表丈濟菴二弟游寶藏寺

入山不在深境靜得眾妙積石怪盤紆披雪踰翫鳳峯

劫出蘭若紅塵飛不到開軒鑑清泉結亭倚孤峭盪胸
湖氣侵眩眼霞光照烹茗聊小憩調刁吹萬竅俗慮暫
此捐浩然發長嘯春光正澹泊桃李紛相耀我欲味禪
悅拈花忽一笑

送濟菴二弟還滇

天風吹枯蓬南北隨所之偶聚復旋散豈能長相依京
華久宦游別子十三期去年重相見遠在太行西言歡
未幾日如何遽懷歸不歸勢不可挽留難爲詞上有白
髮親下有呱呱兒田園恐荒蕪廬墓待埽治駕言將過
返萬里速奔馳僕馬已在門執手未忍離欲淚翻掩面

深慮行人悲滇海有魚游燕山有雁飛平安幸相報聊
以慰我思